

SUID-AFRIKAANSE RADIOLIGA NUUS VIR SONDAG 31 JULIE 2022

Goeie môre en welkom by die weeklikse nuus uitsending van die Suid-Afrikaanse Radioliga, gelees deur _____ (jou naam, roepsein en QTH)

Die Suid-Afrikaanse Radioliga saai elke Sondag nuus bulletins uit in Afrikaans sowel as Engels om 08:15 en 08:30 Sentraal Afrika Tyd onderskeidelik op HF sowel as op verskeie BHF- en UHF-herhalers. Hierdie uitsendings word ook via Echolink herlei deur Johan, ZS6JPL. Die oudio bulletins kan afgelaai word vanaf die Liga webwerf by www.sarl.org.za, terwyl die teks bulletins by <https://sarlnnewsbulletin.wordpress.com/> afgelaai kan word. Om by die Mailchimp bulletin e-poslys aan te sluit, stuur 'n e-pos aan die SARL Sekretaris. Terwyl daar aandag gegee word aan die probleme wat sommige lede ervaar met toegang tot die SARL-Web bladsye, is 'n bykomende kanaal nou beskikbaar. Teken in by www.amateurradio.org.za om die weeklikse SARL News-oudio-opnames af te laai en om Amateur Radio Today te luister of af te laai.

In die Nuus vandag:

DIE HAMCHALLENGE 2022

DIE SARL YOTA-SPAN OP PAD NA YOTA 2022 KROATIA

en

DIE SARL WEBWERF

Bly ingeskakel vir meer inligting oor hierdie en ander interessante nuus items.

Ons begin die bulletin met die nuus van twee stil sleutels.

Dit is met leedwese dat ons aankondig dat die sleutel van Selwyn Lurner, ZS1ZZY op Woensdag 12 Januarie 2022 stil geword het en dat die sleutel van Okkert Becker ZS4BB op Donderdag 21 Julie 2022 stil geword het.

Ons betuig ons innige meegevoel met hul families en vriende.

POUSE

Jy luister na nuus uitsending van die Suid-Afrikaanse Radioliga.

DIE HAMCHALLENGE 2022

Sylvain, F4GKR die President van IARU Streek 1 het die Jeugland Radioklub in kennis gestel dat hulle die Jeug prys vir hul inskrywing gewen het - 'n prys van 200 Euros. Wel gedaan aan die betrokke jongmense!

DIE SARL YOTA-SPAN OP PAD NA YOTA 2022 KROATIA

Die SARL YOTA-span is Maryna Coetzer, ZR6MC; Nadia Conradie, ZR6NC; Josh Espach, ZS6JOS en Cameron Eales, ZS6CYE en hulle gaan die YOTA-Somer kamp bywoon in die stad Karlovac, wat in die sentrale deel van Kroasië is en nie ver van die hoofstad Zagreb af nie. Die kamp duur van Saterdag 6 tot

Saterdag 13 Augustus. Jy kan alles oor YOTA 2022 lees op bladsy 7 van die August Radio ZS. Maryna, Nadia, Josh en Cameron geniet die Somer kamp!

DIE 2023 SARL-KOMPETISIEHANDLEIDING

Die Kompetisie-werkgroep het tot dusver twee vergaderings gehou. Die doel van hierdie vergaderings is om deur die stappe te werk om die 2023-Kompetisie handleiding of Blou Boek te skep. Die Werkgroep nooi nou die Klubs en groepe wat die plaaslike kompetisies aanbied, sowel as SARL-lede, uit om deur die 2022 SARL-Kompetisie handleiding te werk en voor te stel a. moontlike veranderinge aan die huidige Algemene Reëls en Kompetisies en b. nuwe kompetisies. Die voorstelle moet in MS Word of OpenOffice Write ingedien word aan Kobie, ZS6KVZ per e-pos by zs6kvz@gmail.com. Moenie WhatsApp of Telegram gebruik nie! Die sperdatum is Woensdag 31 Augustus 2022.

DIE SARL WEBWERF

Die SARL IT-span wil jou bedank vir jou geduld terwyl ons 'n paar 'gremlins' in die stelsel uitgesorteer het. Die meeste van die 'gremlins' is nou uit die stelsel en die webwerf is baie meer bruikbaar as wat dit die afgelope paar weke was. Dankie aan almal wat ons positiewe terugvoer gegee het en baie mooi opmerkings gemaak het - in e-posse en op die forum.

Ons lede in die buiteland voel steeds die impak van sommige van die versagende maatreëls wat ons ingestel het, maar dit behoort in die volgende paar dae verwyder te word en hulle sal ook die SARL-webwerf kan geniet soos ons nou doen.

Die SARL bedank graag vir Hans van Groenendaal, ZS6AKV en Peter Hers, ZS1PHD vir die moeite en toewyding wat hulle getoon het om die probleem op te los.

Terwyl almal stadig begin terugkeer na die webwerf, aanteken op die SA-QSL-stelsel en deur die forums blaai, gaan die werk voort vir die SARL IT-span. Nuwe inhoud word deur inhoud ontwikkelaars op die webwerf geplaas terwyl die portaal aanhou en ontwikkel. Die lidmaatskap stelsel is baie naby aan voltooi, en die span het reeds begin werk aan die nuwe SA-QSL-stelsel. Gesprekke vind ook plaas oor die toekomstige tuiste van die RAE-stelsel, hoewel dit eers na die sluiting van hierdie RAE-registrasie tydperk verskuif sal word.

'n Toegewyde span ontwikkelaars en toetsers kom elke Donderdag aand bymekaar en gaan voort om die taaklys af te breek. Ons kan beslis jou hulp gebruik! As jy Web ontwikkelings kundigheid met Laravel het, kan jy vir ons van groot hulp wees. Laravel-ontwikkeling is egter net een deel daarvan - ons het ook inhoud ontwikkelaars nodig. Het jy al daaraan gedink om 'n artikel vir die nuwe webwerf saam te stel? As jy wil bydra tot die nuwe SARL-webwerf, kontak asseblief die Sekretaris Dennis, ZS4BS en vind uit hoe jy kan help!

Ons het ook dromers nodig. Ja, dromers - stuur vir ons jou voorstelle vir nuwe kenmerke per e-pos na om@zs2dh.co.za en help ons om 'n vriendelike webwerf

te skep met alles wat jy nodig het binne die bereik van jou vingers.

DIE AUGUSTUS 2022 RADIO ZS

Die Augustus 2022 Radio ZS is beskikbaar vir aflaai vanaf die Publikasies subkies lys op die Liga-webwerf. Hierdie is 'n lidmaatskap diens - moenie 'n kopie aflaai en dit op jou klub se WhatsApp-groep deel nie! In hierdie uitgawe kan jy lees oor YOTA 2022 in Kroasië - ja, ek wens ek was weer 18! Dennis, ZS4BS en Brian, ZS6YZ berig oor die IARU Streek 1 Tussentydse Vergadering wat by Ham Radio gehou is en AMSAT SA praat oor die groot vordering op AfriCUBE. Woody, ZS3WL neem ons na die vuurtoring by Port Nolloth en die Jeugland ARK verduidelik BACAR 10 en LoRa. Brian, ZS6YZ berig oor VHF Vliegtuig strooi en in die Museum Stuk kyk ons na radiostasies in Duits-Suidwes-Afrika. Vind uit oor die SARL HF Foon-, Digitale en GG-kompetisies en die trofee wat gewen kan word. En daar is meer in hierdie uitgawe van 96 bladsye.

Jy luister na nuus uitsending van die Suid-Afrikaanse Radioliga.

KOMPETISIE NUUS

Die SARL HF Foon kompetisie word op Sondag 7 Augustus gehou en die aktiwiteit is oor drie periodes versprei – tussen 14:00 tot 14:30 is UTC-aktiwiteit op 20 meter, van 15:00 tot 16:00 is UTC-aktiwiteit op 40 meter en van 16:30 tot 17:00 is UTC-aktiwiteit op 80 meter. Kry al die inligting op bladsy 62 in die 2022 SARL-Kompetisiehandleiding en lees die Algemene Reëls in die Handleiding.

Agt logstate is ontvang vir die Winter SARL QRP-kompetisie wat op 16 Julie 2022 gehou is. Dit lyk asof daar baie verwarring is oor wat met "draagbare stasie" bedoel word. Die definisie kan gevind word op bladsy agt (item 4.5) van die 2022 SARL-Kompetisiehandleiding.

1ste Phillip Fischer, ZS6FY - 192 punte

2de Mark Walker, ZS6MDX en Anthony Williams, ZS6WT - 144 punte

Na die derde been van die QRP-kompetisie is die top drie:

1ste Anthony Williams, ZS6WT - 350 punte

2de Johannes van Zijl, ZS4DZ - 258 punte

3de Phillip Fischer, ZS6FY - 192 punte

Agt-en-twintig logstate is ontvang vir die 80 m Klub kompetisie wat op 18 Julie 2022 gehou is. Dit is belangrik om die reëls van die kompetisie te lees - sommige deelnemers het punte verloor omdat hulle buite die band gewerk het!

Klub tellings

1ste die Noord-Kaap ARK - 592 punte

2de die Wesrand ARK - 272 punte

3de die Bo-Karoo ARK - 180 punte

Individuele tellings

1ste Gerhard, ZS3TG - 141 punte

2de Johan, ZS4DZ en Romeo, ZS6ARQ - 106 punte

3de Keith, ZS6HI - 103 punte

Twintig logstate is ontvang vir die ZS5 QSO-partytjie wat op Sondag 3 Julie 2022 gehou is.

GG-logstate

1ste Bruce Rowan, ZS6BK - 7 punte

Foon-logstate

1ste Deon Frazer, ZS5DCF - 136 punte

2de Jan Botha, ZS4JAN - 76 punte

3de Kobus Boshoff - ZS6BOS - 60 punte

Die uitslae van die ZS2 QSO Party wat op 17 Julie 2022 gehou is, is vrygestel. Die volledige stel uitslae is beskikbaar op die SARL-webwerf onder Kompetisie uitslae. ZS2PE is bedryf deur Trevor en Tracey Hartwig wat vanjaar hul eksamen geskryf het. As baie nuwe rekrute het hulle die kompetisie met selfvertroue hanteer en die PEARS-vlag met trots geswaai. 'n Spesiale woord van dank aan hulle en aan Shaun, ZS2SG wat 'n wakende oog oor hulle gehou het. ZS2PE het 'n 6de plek algeheel met 69 punte behaal. Die Kompetisie komitee wil graag almal bedank wat logstate ingedien het en diegene wat dit nie gedoen het nie aanmoedig om asseblief volgende jaar dit te doen.

1ste Jan, ZS4JAN - 89

2de Deon, ZS5DCF - 86

3de Theunis, ZS2EC - 84

KLUB NUUS

Die Kaapstad Amateurradiosentrum het hul 76ste Algemene Jaarvergadering op Saterdag 23 Julie 2022 by hul klubhuis gehou. Die volgende is eenparig tot die komitee herkies.

Voorsitter: Rob Bareham, ZS1SA

Ondervoorsitter: Paul Johnson, ZS1S

Tesourier, Sekretaris en Ragchew-redakteur: Anne Bareham

Klubhuis bestuurder: John Ward, ZS1EQ

Assistent-klubhuis bestuurder: James Dudgeon, ZS1ZKZ

Batebestuurder: Peter Cloete, ZS1PC

Vergaderings koördineerder: Paul Kennedy, ZS1PXX

IT-bestuurder: James Venmore, ZS1RBT

Assistent web- en BlogSpot-bestuurder: Nick Curwell, ZS1ZD

Jeug/RAE-bestuurder en SOTA-koördineerder: Chris Gozzard, ZS1CDG

Michael Howell, ZS1PE is met Lewenslange Erelidmaatskap van die CTARC erken van sy lang verbintenis en ondersteuning van die CTARC en die Kaapstad-tak. Veelvuldige CTARC-toekennings is ook aan verdienstelike lede oorhandig.

Die 66ste Algemene Jaarvergadering van die Wes-Randse Amateurradioklub het op Saterdag 23 Julie 2022 plaasgevind. Die volgende lede is tot die nuwe komitee verkies.

Voorsitter: Phillip van Tonder, ZS6PVT

Ondervoorsitter: Karin Andrew, ZS6MMA

Sekretaris: Jack Kotze, ZS6JJK

Tesourier: Danie Schnetler, ZS6DPS

Komiteelede: Gert du Plessis, ZR6GRT; Glen Andrew, ZS6GGA; Anthony Rouquette, ZS6ANT; Vaughn le Roux, ZS6VLR; Beverly van Tonder, ZR6BVT; Denie Schnetler, ZS6DNI; Veronica Kotze, ZR6TVK en Johann Bezuidenhout, ZS6JBZ.

Die voorsitter bedank die uittredende komitee vir hul harde werk. Gert du Plessis, ZS6GRT, is Lewenslange Erelidmaatskap toegeken vir sy jarelange toewyding en diens op die klub se komitee en vir sy toewyding tot die stokperdjie.

HF VOORTPLANTINGSVOORSPELLING

Hannes Coetzee, ZS6BZP, berig dat die verwagte sonaktiwiteitsvlak laag gaan wees. Tans is daar 3 sonvlekke met eenvoudige magnetiese samestellings sigbaar. Daar is 'n lae waarskynlikheid vir die voorkoms van C-klas en 'n baie lae moontlikheid van M-klas sonfakkels. Diegene wat hulle eie frekwensie voorspellings wil doen, kan 'n verwagte effektiewe sonvlektelling van 24 vir die week gebruik. Radio amateurs kan veral laat middag goeie DX openinge op die 20 en 30 m bande verwag. Besoek gerus die webtuiste spaceweather.sansa.org.za vir meer inligting.

Nou die dagboek van gebeure vir die volgende paar weke:

Vandag tot 12:00 UTC – die RSGB IOTA-kompetisie

7 Augustus – SARL HF Foon kompetisie

8 Augustus – 'n skoolvakansie

9 Augustus – Nasionale Vrouedag en die SARL JD QSO Partytjie

12 Augustus – Internasionale Jeugdag
 12 en 13 Augustus - Perseïde-meteoorreën
 13 Augustus – die SARL Jeug QSO Partytjie
 14 Augustus – die SARL HF Digitale kompetisie
 20 en 21 Augustus – die Internasionale Vuurtoring- en Ligskip-naweek
 27 Augustus – die SARL 40m Klub kompetisie
 28 Augustus - die SARL HF GG kompetisie

Om die bulletin mee af te sluit, 'n opsomming van ons hoof berig:

Sylvain, F4GKR die President van IARU Streek 1 het die Jeugland Radioklub in kennis gestel dat hulle die Jeug prys vir hul inskrywing gewen het - 'n prys van 200 Euros. Wel gedaan aan die betrokke jongmense!

Dit bring ons aan die einde van hierdie bulletin.

Ons nooi klubs en individue uit om nuusitems van belang aan radioamateurs en kortgolfluisteraars in beide Engels en Afrikaans in te stuur, indien moontlik, deur die 'News Inbox'-skakel op die Suid-Afrikaanse Radioliga-webblad te volg. Nuusitems wat in die bulletin ingesluit moet word, moet die Nuusspan nie later nie as die Vrydag voor die bulletin datum bereik.

Jy is welkom om elke Sondagoggend by ons aan te sluit vir die weeklikse radio-program, "Amateur Radio Today" om 10:00 SAT. Daar is herleiding op 7 082 kHz laer syband deur Louis, ZS5LP en verskeie herleidings op BHF en UHF frekwensies regoor Suid-Afrika. 'n heruitsending deur Andy ZS6ADY vind op Maandae aande om 19:30 Sentraal Afrika Tyd op 3 620 kHz plaas.

Ons verwelkom jou seinverslae, kommentaar en voorstelle; stuur dit asseblief per e-pos na artoday@sarl.org.za.

Jy het geluister na 'n nuus uitsending van die Suid-Afrikaanse Radioliga, geskryf deur Andy Cairns, ZS6ADY, geproeflees deur Vivian Dold, ZS6VD en gelees deur

Van die Nuusspan, beste wense vir die week wat voorlê.